



Sud Bosne i Hercegovine
Суд Босне и Херцеговине

Broj: S1 3 Iž 043286 22 Iž
Sarajevo, 27.07.2022. godine

Sud Bosne i Hercegovine u Sarajevu, u apelacionom vijeću sastavljenom od sudija Srete Crnjaka predsjednika vijeća, Mirsade Džindo i Mirka Božović članova vijeća, odlučujući o žalbi političke stranke Hrvatski savez HKDU-HRAST sa sjedištem u Čitluku, Športska dvorana bb, zastupane po Peri Barbariću, predsjedniku stranke, izjavljenoj protiv odluke Centralne izborne komisije Bosne i Hercegovine broj: 05-01-07-6-1215/21 od 16.06.2022. godine, zbog kršenja Zakona o finansiranju političkih stranaka, u nejavnoj sjednici održanoj dana 27.07.2022. godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine broj i datum navedeni u uvodu, utvrđeno je da je politička stranka Hrvatski savez HKDU-HRAST odgovorna što je u 2019.godini:

- a) finasijska sredstva u iznosu od 39.498,44 KM utrošila mimo utvrđenog Programa utraška finasijskih sredstava za 2019. godinu te za troškove u iznosu od 35.601,98 KM nije utvrđeno da su nastali u svrhu stranačkih aktivnosti, čime je prekršila odredbe člana 4 stav (1) Zakona o finansiranju političkih stranaka,
- b) nije vodila poslovne knjige u skladu sa računovodstvenim propisima, nije uspostavila tačnu evidenciju o svojim obavezama, nije postupala po propisima i principima blagajničkog poslovanja, niti je popunila godišnji finasijski izvještaj shodno Zakonu o finansiranju političkih stranaka i Pravilnika o godišnjim finasijskim izvještajima političkih stranaka, čime je prekršila odredbe člana 11 stav (1) i člana 12 stav (1) i (4) Zakona o finansiranju političkih stranaka,

pa joj je na osnovu člana 15 stav 2 i primjenom člana 19 stav 1 tačka a), f) i h) Zakona o finansiranju političkih strankama izrečena jedinstvena novčana kazna u iznosu od 4.500,00 KM i to:

1. za povredu iz tačka a) novčana kazna u iznosu od 3.000,00 KM

2. za povredu iz tačke b) novčana kazna u iznosu od 1.500,00 KM,

Protiv ove odluke politička stranka Hrvatski savez HKDU-HRAST blagovremeno je izjavila žalbu kojom nije osporila utvrđene nepravilnosti u finansijskom poslovanju, ali ukazuje da zbog svog slabog finansijskog stanja nije u mogućnosti platiti osobu koja bi bila zaposlena u Uredu da vodi računa o knjigovodstvenim potrebama te moli da se razmotri visina kazne koju ta stranka sa malim primanjima treba da plati.

U odgovoru na žalbu, Centralna izborna komisija Bosne i Hercegovine predložila je da Sud predmetnu žalbu odbije kao neosnovanu jer je ožalbena odluka donesena na pravilna i potpun način u skladu sa zakonom i podzakonskim aktima.

Žalba nije osnovana.

Obzirom da ovo vijeće preispituje pravilnosti pobijene odluke u okviru i u granicama žalbenih navoda te na činjenicu da se žalbom ne osporava činjenično stanje u pogledu utvrđenih nepravilnosti u finansijskom poslovanju to nije ni preispitivalo postojanje utvrđenih nepravilnosti u finansijskom poslovanju žalitelja.

U odnosu na samu visinu izrečene kazne valja istaći da je ista odmjerenjena na način kako je to i propisano Zakonom, jer iz obrazloženja pobijane odluke proizilazi da je Centralna izborna komisija BiH prilikom odlučivanja o visini novčane kazne cijenila i olakšavajuće i otežavajuće okolnosti, kao i ekonomsko stanje stranke, a što je i bila dužan učiniti kako bi se pravilno utvrdila i izrekla pravična novčana kazna koja bi bila adekvatna učinjenom prekršaju i kojom bi se postigla svrha kažnjavanja.

Iz izloženih razloga, po ocjeni ovog vijeća, pobijana Odluka Centralne izborne komisije BiH je pravilna i zakonita, a žalba neosnovana, pa je istu, primjenom odredaba člana 81. stav 1. Zakona o upravnim sporovima Bosne i Hercegovine (Službeni glasnik BiH, broj 19/02, 88/07, 83/08 i 74/10), valjalo odbiti.

**PREDSJEDNIK VIJEĆA
SUDIJA**

Sreto Crnjak